

續修四庫全書

《續修四庫全書》編纂委員會編

續修四庫全書

上海古籍出版社

四七七・史部・詔令奏議類

鄭端簡公奏議十四卷（卷十至卷十四）

〔明〕鄭曉撰

楊襄毅公本兵疏議二十四卷

〔明〕楊博撰

鄭端簡公奏議卷之十

門人項篤壽校梓

淮陽類

乞留江北府州預編徭銀疏

題爲倭寇猖獗軍餉不充懇乞撫處以濟急用事據直隸淮安府申奉撫鎮衙門劄開倭寇船在餘東等場劫虜恐奔突淮安廟灣鹽城等處蒙調千百戶郭宗撫等領兵廟灣防勦原任恭將王元伯把總周表領兵淮城團練運司判官馬倫召募電勇本府同知劉一中把總潘準領官軍宋簡周官等鹽城等處住

鄭端簡公奏議卷之十

萬卷堂

劄委官陳詔等領兵船哨探又調百戶江東曉賽文等隨賊截殺百戶馬金赴馬邏巡檢司調兵前項官軍安家銀兩廩給口糧并雲梯關海州官軍月糧及賞功等項通共用過銀三千六百伍十三兩一錢查得先該本院題留軍餉在庫事例銀三千八百餘兩除前支銷外止有銀一百餘兩尚有廟灣殺賊官兵賞功銀二百餘兩不敷支用切照今日倭寇初犯鹽城廟灣與洋麻港地方雖該同知劉一中督兵盡勦未及旋師而日照倭賊又經贛榆海州沐陽清河桃源等處劫掠數日之間與師動衆所費不貲繼今以

後無一月無寇無一月不防官兵廩給行糧必得錢

糧方克濟用況今府庫空虛雖所屬州縣俱有截留軍餉但連年兵荒兇軍本色尚乞蠲貸而截留錢糧雖嚴行追徵實各拖欠未納兵機急如星火臨時措處無及合無乞於無賊府州量將在庫堪動或緩解錢糧借發一二萬兩下府以濟軍前急用等因到臣據此照得今春防倭揚州府通計官軍七千餘員名各支行糧馬匹草料日費銀三百兩臣即遵照戶部題奉欽依查取廬鳳淮三府徐滁和三州見貯錢帛稅契事例等銀解揚州府聽海防道募兵給餉應

鄭端簡公奏議卷之十

萬卷堂

用已盡議將戶部原發糴糧支運銀內借支二萬兩緣由已於本年五月初八日具題隨准戶部咨取前項銀十萬兩差官解部即行淮揚等府查取差官解部外今據前因卷查先准戶部咨爲緊急倭夷擁衆入寇懇乞天恩大破常格函發兵糧救援東南生靈事該本部議擬廬州滁和等府州應該嘉靖三十五年均徭人戶先行提編一年不分銀力二差責令俱納銀兩一應食編民壯千兵查係未經倭寇并相離寫遠地方約以拾分爲率六分存留應用四分免其應役每名折收工食銀七兩二錢各府縣照數徵

臣等前均係銀通行類解軍門以資軍餉等因又准本部咨為倭寇十分緊急懇乞 天恩預處兵儲協濟以振聲威以全東南大計事該本部議擬合無比照近日總督尚書張 奏行提編蘇松等府均徭事例通行各司府提編一年直隸淮揚鳳徐四府州廬州滁和等府州限本年九月以裏各司府州徑行差官解送總督軍門專備調集兵馬糧餉先將各該提編數目送部查考等因節經覆奉 欽依備咨前來已經通行撫屬四府三州各欽遵查照提編扣解緣由在卷今淮安府申稱倭寇犯境典師動衆所費不

鄭端簡奏議卷之十

三 高春堂

督截留軍餉拖欠未納兵機急如星火除批行該府即赴滁州查取事例稅契贓罰等銀不拘多寡解准目前急用餘候題 請截留三十五年預僉銀兩用其揚州府所申議留戶部米銀二萬兩又已解還外為照江南調集大兵征勦即今新舊倭寇奔突江北淮北江防海防上下二千餘里出沒無定勢甚猖獗供億浩繁若不急處兵糧先事為備貽期缺乏貽害地方所據原題江北府州提編均徭扣取民壯弓兵工食類解軍門銀兩相應截留江北防倭浙西江南各有別處協濟江北再無別處協濟豈得又復協

濟彼處見今倭寇侵擾淮揚二府月無虛日比之未遇倭寇司府不同前項徭銀工食應留本地軍餉如蒙伏望 皇上軫念江北 陵寢所在漕源所在高牆所在五月間日照賊直趨桃源去泗州鳳陽不過三百餘里自瓜儀至沛縣運道一千二百餘里乞勅該部再加詳議 俯從所擬通將鳳廬淮揚四府徐滁和三州該嘉靖三十五年預僉徭銀不分銀力二差責令上納銀兩與扣取民壯弓兵工食俱解江北海防兵備道分發淮揚二府專備防倭軍餉應用事寧之日銀兩有餘仍查解戶部支給邊餉地方幸

鄭端簡奏議卷之十

四 高春堂

甚嘉靖三十四年六月十二日進奉 聖旨

勅逐江北倭寇疏

題為大勢倭寇合夥逼近州城仰仗 天威官軍奮勇殺敗奔入海洋生擒脅從斬獲首級事本年六月初一日據整飭淮揚海防兵備右叅政兼副使張景賢呈節據呂四掘港馬塘等場單家店等處報有倭寇登劫本道會同叅將喬基差官督統官兵率令臨場奮勇分投勦捕除陸續生擒倭寇并捉獲姦細九名通連斬獲首級一百七十二名顯節經呈報外賊知通州兵俱發如阜海門各鹽場追勦賊寇乘虛會

合併犯狼山本道料賊姦謀密調回通州同知印宗
領兵同百戶伯永福胡文於南門外列陣千戶賈勇
百戶張寶在東門外列陣鎮撫呂圻彭遙西門外列
陣指揮張永百戶余慶義勇官王美北門外列陣千
戶陳嘉謨陳厚仍領水兵把截去路又令知州崔澄
在西門判官施耀在北門吏目孫好仁在東門各城
上防守同知印宗兼督糧餉熟食往來協濟分佈既
定至伍月拾柒日賊止離城叁拾餘里又遣指揮張
繼善領兵貳百伍拾名令之且戰且却誘賊近城以
待伏兵擒獲北時雨陰天晚賊不敢逼近離城十里

鄭端簡公奏議卷之十

五 萬卷堂

潛住當夜差驍勇顏隆周桐張柄崔新薛祥至賊營
周圍連放起火銃鉋使賊驚疑不安至拾捌日呂四
舉賊與東海賊共捌船至狼山前數里灣泊與前賊
倂夥共壹千餘人料賊必來衝突隨令贊畫李奇方
賓會同百戶伯永福胡文等相度地勢於險隘去處
布置火砲待賊退避攻打又令千戶王欽鎮撫呂圻
吳子忠在於望江樓埋伏本道親在南城與參將喬
基督戰至拾玖日早賊乘大霧雨翼包圍而來當有
百戶伯永福執旗先登胡文執弓矢同進各兵奮勇
向前內耆民毛守獨先衝鋒各賊披靡復有倭賊

人穿紅舞刀前來衝陣被同知印宗百戶伯永福所
統部下親兵登沖朱雍等斬獲真倭首壹顆潘檳潘
檄同義官潘樞斬獲真倭首壹顆賊勢大敗城上銃
手王鉞專尚志等各用銃砲火箭并長箭手劉樞王
成王繼武孫位王志信陳成周均劉珊等用弓箭射
傷百拾餘人自辰至未大戰拾數合復至西門城角
間道掩襲百戶胡文等伏兵齊起賊見伏兵又城上
專尚志朱英等用砲打死執旗賊首貳人餘衆數人
各賊退回將打死倭賊擡去用火燒化復令同知印
宗百戶伯永福發部下兵勇毛朋等伏路賊敗回伏

鄭端簡公奏議卷之十一

六 萬卷堂

兵四起殺敗倭賊擒獲脅從并被虜人貳拾肆名發
州審究外比因大霧四塞霖雨繼作咫尺不辨難以
發兵前進隨有狼山巡檢尹柰同男尹仕義統領弓
兵乘勝亦殺死倭賊拾數餘人貪功割首尹柰返被
兩傍倭寇擁出殺死伊男尹仕義口稱與父同死於
敵殺退前倭背負父屍回營當夜懸重賞密令驍勇
周桐張柄崔新薛祥顏隆等夜至賊營放砲各賊亂
走貳拾日仍又大霧猛雨不止不敢進兵本夜仍令
周桐等到賊營放砲貳拾壹日乘霧開船又令鄉兵
成悖朱爵持火傷船賊已開洋水兵四面攻圍成悖

周梧等火箭射傷穿紅巨賊貳名打死從倭拾餘人其廟灣場倭寇已該本道見賊分枝東行劄委淮安府同知劉一中把總謝詔督兵勦捕去後近報斬首壹拾陸顆并生擒倭寇貳名通州海門縣各官兵竄勇斬首玖顆并前擒獲發州脅從及被虜人口貳拾貳日狼山賊逃遁福山等處江北倭寇已靜隨遣水兵千戶陳嘉謨領兵追襲貳拾伍日據本官稟稱隨同原差快手顏隆等至次日辰時行至江南常州府靖江縣地方探勦倭寇哨有賊船玖隻灣住彼處港內離江三里之遠又尋地方曹權報稱有倭寇肆百

鄭端履奏議卷之二

七 萬卷堂

餘人見今去攻本縣城池餘賊壹百伍拾餘人在於馬沙東套口港守船比職密撥水兵楊雲路王夫馬栢陳義等同原差快手共貳拾肆名前去哨探又撥水兵壹百伍拾名東西貳路藏伏有賊壹拾叁人前來隔港交戰快手張柄等用放火器見陣打死貳賊隨被各賊搶回有快手周桐過港又用火器追打比銳發破燒傷面目等處有賊隨後追走後被卑職伏兵追賊各賊退奔本船當獲倭槍壹根倭箭壹拾肆枝况各處再無兵船在江巡哨卑職將兵船布圍本港套口候賊船出江勦捕另行報稟等情據此查

先斬倭首壹百陸拾叁顆生擒倭寇并姦細玖名節經呈報訖今共斬首貳拾伍顆生擒倭寇貳名并脅從被虜人貳拾肆名連前生擒并斬首共貳百貳拾叁名顆除水陸布兵晝夜防守外爲照倭賊大勢逼城城南大戰先登陷陣則有百戶伯永福胡文雖未獲擒獲之績而保全城外居民數千餘家無一人受害全安之功不在斬馘之下同知印案領鄉兵則部下斬獲數多給饋餉則各營士飽馬騰武官之功伯永福胡文爲首文官之功印案爲首而耆民毛守奮不顧身勇尤可取伏乞俯念臨敵用人之時此肆人

鄭端履奏議卷之二

八 萬卷堂

之功乃本道親眼與萬人共見非若往時傳聞之可比特爲甄錄以爲遠近奮勇者之勸其巡檢尹柰奮不顧身先挫賊銳死於王事情尤可憫尹仕義既能奮勇殺賊又能收全父屍功尤可嘉亦乞通爲題請查陣亡事例重行優恤加應以爲死事忠孝者之勸賞不逾時其餘軍政所益不小爲此今將得獲倭刃叁拾玖把倭弓貳拾肆張倭衣壹拾叁件倭槍壹拾根倭箭貳百貳拾枝馬壹匹驢陸頭船柒隻理合呈報施行及據署管分守通泰原任參將喬基亦呈稱同緣由到臣據此案照先據通州申伍月拾柒日

據本州探信快手孫煜走報倭寇約有貳叁百人從如皋縣丁堰鎮來至天生港沿沙一帶直抵狼山地方又據海門縣報稱倭寇四路為害本月拾玖日午時忽有倭寇壹顆約有叁百餘人從山前南路到於南相望僂橋隨有狼山巡檢尹泰與賊戰陣亡各寇直至南門橋下放火射入官兵敵退南行潛藏等情前來節行海防道分布官兵相機追剿去後今據前因查得淮安廟灣劉團浦地方斬獲首級壹拾陸顆生擒倭寇貳名并倭刀等件於本月貳拾貳日具本題 知外為照江南調集大兵征勦即今新舊倭

鄭端簡公奏議卷之十

元 萬卷堂

寇奔突江北淮北上下貳千餘里山沒無定勞甚倡獮今兵備張景賢申嚴號令明信賞罰親冒矢石督兵力戰百戶伯永福胡文同知甲案者民毛守各奮勇血戰擒斬功多保全城外居民實皆仰仗 天威也除將官者伯永福等各給銀牌懸賞尹泰先行該道重加優恤再照巡檢尹泰官職雖卑矢心戮力禦寇殲身伊男既能殺賊又全父屍相應褒恤量贈職級仍查照陣亡事例將伊男尹仕義量與壹官百戶伯永福胡文同知甲案者民毛守肆員名先行給賞以勵將校并兵備張景賢將蔣基相應超格陞賞

通候查勘功罪至日另行具 題外嘉靖叁拾肆年陸月拾貳日進奉 聖旨

勦滅淮北倭寇疏

題為仰仗 天威勦滅淮北倭寇事本年陸月初肆日撫整飭徐州等處兵備副使劉天授呈蒙臣牌仰駐劄清河調度官兵截殺山東日照縣流入清河馬頭巡檢司地方倭寇隨於伍月貳拾陸日前到清河駐劄及動支山陽縣庫銀貳百伍拾兩委該縣主簿楊廉淮安衛經歷鄒鍾造飯給餉查得倭寇始自山東日照登岸經由沐陽桃源至張泗冲三汉口過黃

鄭端簡公奏議卷之十

萬卷堂

河渡安湖入淮河以至馬頭巡司官兵連日大雨屢戰未克陸月初叁日添募邳徐義勇官王大文朱繡等及調邳州衛署印徐州衛指揮張岱領到各營精兵董千等及桃源縣知縣傅以智原領鄉兵責令本院原差統兵官淮云府同知劉一中把總周表督赴戰陣各官兵奮勇與賊交戰斬獲首級徐邳官兵王大文貳顆張仲等壹顆傅以智等壹顆趙愷等壹顆任邦臣等壹顆王琰等壹顆李邦美等壹顆周清等壹顆段清等壹顆淮安官兵吳邦等壹顆千戶劉翺壹顆湯永言下叁顆周勇壹顆金現等壹顆桃源縣官

兵夏昇等與徐兵王景明共二顆把總楊天駿下五顆顧清等二顆華恩一顆吳哲等一顆孫鉞等一顆葉實等一顆陳爵一顆于順等一顆巡檢焦三省一顆千戶吳繼勳一顆張遵一顆呂晴等一顆宋邦銳等一顆共三十八顆生擒從賊一名并倭器等件泗州衛鎮撫戴堯臣一顆倭刀一把各報到道看得前項首級各該官兵均有斬獲但其間有衝鋒破敵就陣敵斬者有賊敗後撈勦者又有圍困燒死取獲者難以緊論隨行同知劉一中分別等第定擬賞格緣由開呈到道爲照前項功次本官督戰親見其事知

鄭端簡奏卷之二

一 萬恭堂

之必悉既經分別前來似爲得均內義勇官王大文二顆淮安衛左所副千戶劉翺一顆充軍百戶吳郁一顆俱不願領銀告願陞級其餘官兵無容別議外如同知劉一中把總周表均承責委出謀奇中始追趕於張泗冲雖未盡斬獲之功既困於馬頭鎮大報堵殺之捷全軍無失窮寇盡絕及照知府蔡揚金號令素嚴謀猷克壯當茲專城之重隱昭虎豹之勢致茲克捷功不可泯參將王元伯領兵遇衝料敵制勝尤宜上將之才可當一面之鋒至如本職猥以庸才一籌莫展因人成事功非已出實由責成於劉一

中等付託得人委用亦效等因及據原任參將王元伯據此案照先爲仰仗 天威斬獲倭寇首級事內據淮安府申據贛榆縣飛報倭賊船登山東日照縣岸近山東安東衛地方在林子舖殺傷民人張質李龍等三人又殺死一婦人各倭占守浦泉山約有四五十人晝則入山夜則劫殺等情前來隨調附近沐陽縣民兵赴彼策應緣由已於五月二十二日具本題 知去後續據海州申據興莊場報稱保長王禮等探得山東流來倭賊見有日照縣安東衛并贛榆

鄭端簡奏卷之二

十二 萬恭堂

縣人馬在彼截殺貳拾一日守禦海州所申報海州差哨官陳爵等十七日趕至興莊唐僧口迤東與寇交鋒被寇殺死民快何住王子元楚成箭傷陳爵等十八日倭寇至臨洪浦有賊衝陣軍人王袍用神槍打倒倭賊一人海州民快割去首級又用噴槍打倒二倭首級贛榆縣民兵割去軍快徐友等止獲賊驢伍頭倭箭三枝二十二日據興莊場報十七日倭寇經過橋南殺死民人龍仁愛等二人又至地名清口殺死民人周奉及殺傷民人張居時等四名又據安東縣申十八日飛報倭寇在海州新團莊哨官陳爵

馳快揚禮等截殺首級貳顆并手伍隻脚陸隻倭旗
貳面倭刀弓箭等件貳拾肆日委官淮安衛百戶江
東曉稟報貳拾叁日倭寇在劉家莊本職率領勇士
趕至八集地方遇有倭寇會沐陽縣官老約戰趕至
桃源縣趙家莊地方上陣對敵用火箭夾把銃打死
倭寇在地衆倭一齊將勇士王教等壹拾貳名殺死
部下勇士張仁殺死倭寇壹名當時擄去奪得船壹
隻宿遷縣申據白洋河老人周瑞捉獲倭寇壹名清
河縣申據老官亭老人漆銳報倭寇南行至本鎮將
陸鑒殺死又據淮安府申貳拾肆日賊在桃源縣張

鄭端簡公奏議卷一

一三 萬卷堂

泗冲地方殺死老人壹名小甲壹名貳拾伍日至黃
家背又殺死貳人貳拾柒日沐陽縣知縣朱璣稟報
桃源縣義民夏參父子家兵共貳拾餘人夏參男夏
尚德將賊壹槍殺倒欲取首級被賊趕上反坎參刀
陣亡其戰傷賊被衆賊擁下淮河去訖徐州壹人戰
賊壹槍被賊反回砍訖參刀陣亡百戶蹇文火箭射
中壹賊伍月貳拾柒日同知劉一中稟報貳拾陸日
到桃源縣三議鎮迤西黃家背探知寇在陳章家草
房歇宿我兵圍住衝敵未見勝敗徐州陳子實將倭
壹人連載貳槍倒地欲取首級聞衆倭齊上將陳子

實殺死桃源縣會手將寇殺傷得獲倭刀一把陸月
初一日桃源縣知縣傳以智稟報二十六日夏景等
用銃箭槍刀各行打傷倭寇奪得倭刀三把倭弓二
張箭二十枝倭竹器布袋二件驢一頭不意參更時
候各倭浮過河南職等追至三汊夏景孫祿殺死倭
寇一名得首級一顆二十八日三汊精壯董貴等鈎
住倭船殺死倭賊一名得首級一顆又據贛榆縣申
報馳勇宋祿與賊對敵斬獲首級一顆倭刀一把緣
由前來其時各官兵俱在汾海防守該臣會同鎮守
淮安總兵官萬 調遣沐陽縣知縣朱璣淮安衛百

鄭端簡公奏議卷一

十四 萬卷堂

戶江東曉賽文各兵前去海贛一帶截殺又令淮安
府同知劉一中選帶徐州并臨城戴罪報效獲功官
吳郁等前去清河截殺把總周秉領兵清河浦防勦
及分委把總指揮千百戶等官樂鏜潘準金詔張世
功沐本源等各選水兵戰船放糧宇壩草灣柳浦灣
雲梯關各停泊關阻無令脫走下海原任參將王元
伯泗州衛鎮撫戴堯臣各選兵前去清河上流各堵
截無寇遁走又差淮安衛百戶馬金調取馬邏民兵
前來聽同知劉一中調遣及行徐州兵備副使劉天
又駐劄清河往來督戰并調卸宿等處官兵併力勦

補授淮安府庫銀四百兩發同知劉一中於見陣官
其內挑選好漢三百名每名先賞銀一兩官三兩令
其當先殺賊多備乾糧基炊宰殺豬口隨軍食用又
恐各賊係是倭奴前鋒後曹大夥結艘而至隨行類
州兵備金事朱舜民夜雨自淮馳至泗州督令衛州
官高鶴鳴羅尚綱嚴兵防護 祖陵又調池河守備
張文爵統兵五百名前來淮安城守設備運道去後
今據前因會同總兵官萬議照節年倭寇往往先以
狡健數十人先行登岸蹣跚白若不就便勦滅得
還巢不日引類呼朋內外勾引動輒數千攻圍城邑

鄭端奏議卷之二

十五

萬卷堂

焚劫村鎮近日淮北地方沿江沿海各有兵馬賊徒
數至廟灣洋麻港雲梯關東西海所等處隨到隨勦
不得劫掠乃直出北海從山東日照縣登岸日照并
山東安東衛追兵回還賊遂從淮北腹裏經沐陽桃
源直至運河急發官兵圍往殺傷倭寇彼即破碎投
入河內半夜取民間岸上漁舟擡入河中用菱楸棹
過南河次日官兵沿途追勦賊被損傷偶因三四日
間驟風大雨我兵火藥既濕弓膠又軟全不得力賊
於黑夜又乘快船從至岸過河遂至馬頭巡司賊雖
不多軀壯悍惡裸形如獸輪刃如飛詭計姦謀變幻

鄭端奏議卷之二

一六

萬卷堂

莫則若不擒斬盡絕但得餘賊還巢彼必勾引深入
江淮之間殊為可憂即今仰仗 天威勦滅盡絕通
計先後斬獲首級四十四顆生擒二名奪獲倭刀陸
把倭弓二張箭二十三枝旗二面竹器布袋二件驢
陸頭船一隻運河漕船舳舻相銜數百餘里並無損
傷地方亦無焚燒劫殺之慘照得徐州兵備副使劉
天授原任參將王元伯往來淮泗披戴風雨部署奇
正指授方略淮安府同知劉一中清江造船廠把總
周表奔走水陸親冒矢石率先兵勇竟收全勝知府
蔡揚金職在專城志期滅賊城垣郊市晝夜巡行器

械芻糧頃刻立辨以上各官皆能仰體 聖心效勞
於軍旅者也數臣之功劉一中為最諸兵之功王大
文為最并照劉一中本文職官員旬月之間劉團浦
馬頭巡司二處領兵部下先後斬獲首級六十顆生
擒四名即今軍旅之才委的難得本官陞賞相應查
議王大夫係邳州衛義勇調守昌平給與冠帶官斬
獲真倭首級二顆戴罪報效吳郁原任鹽城所百戶
間發充軍終身先在廟灣劉團浦地方父子斬獲真
倭首二顆今又為首斬獲真倭首一顆劉團係淮安
衛左所副千戶斬獲真倭首一顆俱不願領賞所

查例酌處陞官以風勵將校者也如蒙 皇上勅下該部再加詳議乞查臣題懇乞 天恩廣收武勇亟議招撫以消賊黨覆奉 欽依事例將王大文陞邳州衛試所鎮撫月支食米壹石吳郁將伊并應襲兒男先於劉團浦斬獲過首級二顆不曾領賞准令贖罪今次所斬一顆照上年通州殺賊有功邳州衛正千戶張禾該兵部覆奉 欽依陞指揮僉事例陞副千戶副千戶劉翺陞正千戶俱世襲其同知劉一中部下功多蚤為甄錄兵備等官劉天授王元伯蔡揚金周表酌量給賞庶幾賞不逾時人心激勵其餘斬首生擒功次發淮安府推官徐大壯紀驗明白分別真倭從賊等第臣即欽遵兵部題奉 欽依事例諭以 皇上恩威動支淮安府庫官銀登時給賞除將陣亡被傷兵勇行令有司優恤地方有罪人員查明另行外緣係仰仗 天威勦滅淮北倭寇事理未敢擅便嘉靖拾肆年陸月拾貳日進奉 聖旨

斬獲江北倭寇疏

題為仰仗 天威斬獲江北倭寇首級事本年六月初六日據整飭淮揚海防兵備右叅政兼副使張景登呈據據呂四餘東等場報有倭寇登岸該本道會

鄭端簡奏卷之十

十二 萬卷堂

同原任叅將喬基差百戶伯末福衛鎮撫呂圻前去截殺因恐軍不向前將各官俱編入行五隨軍勦捕於五月二十七日據海門縣申據典史余廷舜下兵王秀等斬獲首級一顆倭帽一頂六室斬獲首級一顆馬勦等斬獲首級一顆藤棍一根二十七日辰時百戶伯末福在餘東場地方親自斬獲首級一顆倭弓一張箭十枝又據伯末福呂圻差家丁呂照稟為報功事五月二十九日巳時有倭寇前鋒約有五六十人在於呂四場巡北放火劫掠末福帶領馬上家兵四名與同知印宋部下耆竈秦洋等竈勇百十

鄭端簡奏卷之十

十八 萬卷堂

餘人合兵對敵末福箭中數賊獨馬衝入賊營破亂秦洋率兵四面攻殺倭寇大敗共斬首級三十五顆末福兩陣自斬真倭首級二顆得獲倭弓一張倭槍一根其老營倭寇正在呂四西場放火殺人聞風喪膽驚東奔船千戶羅表督兵追勦去訖又據耆竈秦洋稟稱洋等隨即對敵伯末福射中倭賊頭領賊敗被本官衝前斬獲首級一顆當日即到本場天晚宿歇次日洋與伯末福獨馬前云青墩港倭船處所看得大船六隻兩岸搭蓬三箇洋與本官隨同計議次日齊兵埋伏與賊挑戰至二十九日巳時不意前鋒

將領倭寇約伍六十人在於本場北放火劫掠隨即帶領家丁竄勇與同伯末福與賊對敵被伯末福連中數賊獨馬衝營破亂泮率兵勇四面攻殺賊敗亂走共斬首三十五顆內伯末福親自斬獲首級二顆鎮撫呂圻斬首壹顆在內又據呂四場復報相同卷查鎮撫呂圻前於伍月初一日親自斬獲首級一顆今又斬首一顆共貳顆百戶伯末福親自斬首級共三顆俱未領賞看得百戶伯末福前在通州能執旗鼓勇城南之戰大致克捷今隨軍呂四編入行伍用箭射敗倭賊又多斬獲之功鎮撫呂圻屢挫賊鋒所向必勝值今地方多事正欲官軍觀感效力之時況將官之中如伯末福呂圻之謀勇誠不易得其所得功俱係編入行伍衝鋒親自斬獲衆目共見乞速行題請照例陞級以爲忠勇者之勸通共今次斬首三十九顆及本道所屬海州等處報到斬獲首級四顆理合呈報施行又據本道呈上年倭寇每到地方輒便焚舟深入窮寇失勢故可一鼓殲之今次賊多漳泉人在內運謀又係新到健倭常不離船得便即入失利遂追又動分數枝牽制我兵崇明縣三丈浦賊船亦在彼中有久住之意今宜火緩以計破之故

鄭瑞麟奏卷之十

一九 萬卷堂

先令陳嘉謨等水兵船隻守定三丈浦口爲必勦勢使倭寇不敢由水再犯通州遣伯末福呂圻率各場并鄉兵勦呂四等處賊使彼首尾不相救又令各地方堅壁清野使彼無所掠又必自敗今呂四等處兩次大勝賊已破膽止是天雨大霧每每計不得行久雨必晴晴則出奇設伏必盡滅之使不敢復窺江此等因及據署管分守通泰原任參將喬基亦呈相同緣由到臣案照節報通州狼山海門呂四等處倭寇四路奔突等情前來已行該道分布官兵防勦去後今據前因卷查嘉靖三十三年四月二十四日該

鄭瑞麟奏卷之十

二一 萬卷堂

臣題爲乞留軍職官員以保固地方事查得宿州衛衛鎮撫呂圻百戶伯末福俱膺力過人子馬閑熟曾經戰陣效有勤勞若再被別省取用地方益致乏人該兵部覆奉欽依別省不得調取如有擒斬功次照例一體陞賞已經行取各官向在海防退以備緩急調用今伯末福斬獲真倭首級三顆呂圻斬獲真倭首級二顆俱編入隊伍人員不願領賞所宜查例酌處陞官以風勵將校者也如蒙皇上勅下該部再加詳議乞查上年通州殺賊有功邳州衛正千戶張三該兵部覆奉欽依陞指揮僉事事例將伯末

福呂圻照各斬獲功級伯永福係百戶陞參級呂圻
係衛鎮撫陞二級俱指揮僉事仍與世襲庶幾賞不
逾時人心激勵况軍職官至指揮便可選充將領儲
將養才正其時也除將斬獲首級發揚州府通判史
朝賓紀驗併勘有功有罪人員至日另行具奏外
嘉靖三十四年六月十二日進奉 聖旨

僨運糧儲疏

題為僨運糧儲事據江北等總把總運糧指揮僉事
蔣環等各呈將催僨過所屬衛所兌完糧運接續過
淮緣由到臣又據浙東等總把總運糧指揮同知詹

鄒鼎勳奏

萬安堂

懷世等呈稱所屬衛所派兌浙江糧米除先兌完開
行過淮外其餘有兌完糧米因被倭寇猖獗盤據地
方節奉詔免等衙門明文省令官軍將船駕赴僻靜
湖港迴避以防疎虞不敢開行及有尚未開兌者警
報日聞未得寧息等情各呈前來據此案照嘉靖三
十四年分漕運糧斛四百萬石已經會派浙江等布
政司并應天直隸蘇松等府州依期徵收及行浙東
等十三把總官分撥官軍駕船領兌夫後今據前因
會同提督漕運鎮守淮安地方總兵官南京中軍都
督府署都督僉事萬 查得今歲漕運糧斛四百萬

石內新舊事例折銀糧七十三萬四千伍百一十七
石三斗三升九合蘇松二府被倭久據停兌糧六十
萬九千九百六十六石六斗六升七合存留軍餉
糧九萬二千二百石實運本色糧二百伍十伍萬三
千三百一十伍石九斗九升四合內除山東河南二
省糧伍十七萬伍千六百石就彼起運外實該過淮
糧一百九十七萬七千七百一十伍石九斗九升四
合自本年三月二十六日起至本年六月二十一日
止該臣等陸續督催過湖廣江西浙江應天直隸等
司府州糧一百六十七萬八千伍百四十三石六升
俱已過淮前進其浙江嘉杭湖三府因避倭寇未曾
過淮并候題 請未兌糧二十九萬九千一百七十
二石九斗三升四合欲候盡催過淮方行 奏報但
今前寇未靜難以預期不無遲誤除嚴併司府文各
領運官員將未兌糧米上緊兌完候官員勦滅前寇
地方稍寧與已完避泊船隻星夜兼程前進過淮畢
日另行具 奏外嘉靖三十四年六月二十一日進
奉 聖旨

勦逐江北倭寇疏

題為大勢倭賊擁聚入寇仰仗 天威官軍水陸夾

勝生擒斬獲首級事本年六月十八日提督飭淮揚海防兵備右叅政兼副使張景賢呈本月初八日午時據狼山巡檢司報稱有倭船二十六隻賊一千四百餘名自江南地方直指狼山等情到道當即會同叅將喬基委鎮撫彭遙領兵三百名先據狼山賊即東行去狼山十餘里王竈港別港柴港等處地方連船屯聚去通州城十餘里比因久雨城牆周圍倒塌二十六處共計長一百八十八丈七尺修砌不及本道會委義勇官王義領兵三百名列陣東門外義勇官丁友德領兵二百五十名列陣南門外鎮撫

一鄭恩奏義勇

二十二 舊卷堂

吳子忠領兵一百五十名列陣西門外指揮張禾領兵一百五十名列陣北門外以待選委千戶賈勇鎮撫彭遙各領精兵四百名作為遊兵應援同知印宋領驍勇四百名作為中軍教場劉營相為犄角餘西亭金沙各場兵先因調至附近呂四場殺賊聞警亦來策應賊見我兵有備不敢離船深入又令印宋遣驍勇沙全葛奎道直曹富泰陸春何桂等各領精兵分為四枝埋伏要路以防流劫鄉村遣千戶陳嘉謨陳厚領水兵逼近賊船時常往來攻擊令賊晝夜不寧初九初十一等日水兵連戰數十合箭射

一鄭恩奏義勇

二十四 舊卷堂

銳傷甚多因小上開船未得首級賊勢益沮十二日辰時賊引舟六突東行被賈勇彭遙攻其北陳嘉謨陳厚攻其南陸春進賊大敗射傷落水者不計其數就陣擒千戶陳嘉謨下耆民吳言張諫丘富等生擒從倭一名匪二即身上有金環銀絲花碎金俱即時賞給吳言等外耆民瞿裸斬獲首級一顆吳言斬獲首級一顆陳諫張丙顏隆斬獲首級一顆倭船二隻瞿裸斬獲首級一顆倭刀一把瞿裸斬獲首級一顆同知印宋下兵沙全葛奎等斬獲首級一顆陸春何桂等生擒從倭一名陳朝本家兵闕宙陸傑等斬獲首級一顆吳儒何太何倫吳遷等共斬首級二顆沙全吳珮等共斬首級二顆千戶賈勇下兵毛守錢集斬獲首級一顆鎮撫彭遙下兵崔橋何紬等斬獲首級一顆又據甯民江時報斬首級三顆倭刀二把弓二張箭三枝又據海門縣兵許懋王秀等報斬首級一顆餘西場官驍勇李昂等斬獲首級一顆曹鵬奪獲牛一隻曹惟李遠曹三各奪驢一頭小驢一頭倭刀一把卧單一條長衫一件又據軍犯張廷遂同丁張全斬獲首級一顆倭刀一張倭箭六枝又據通州分司申據馬塘場甯勇鄒懋等生擒倭寇一名

部于倭帽一頂等情各報到道據此今共奪獲倭船三隻內有江南房劫衣服一百餘包米一百餘石俱給各兵分散以酬其勞賊帶傷東行仍催督各官軍晝夜追勦用計襲擊獲功另報外今生擒倭賊三名共斬首一十九顆等因又據本道呈為報功事本月十三日卯時據千戶陳嘉謨稟帖稱同趙隆朱雍遵依密令調撥耆民楊雲路聞勤倪賢等兵船先鋒追勦倭賊用將軍砲打壞倭船一隻落水倭賊不計其數隨有次先鋒吳員羅栢兵船併力齊攻斬獲倭首各一顆并倭箭及袋其船仍被各賊救搶去訖等

鄭端簡奏卷十

五十五

萬卷堂

因具報到道據此查得先該本道會同叅將喬基軍前聽用官李奇方宥密議潛發二將軍砲三將軍砲責令千戶陳嘉謨報效軍犯驍勇趙隆等前去遇便邀擊勦捕外理合呈報等因及據署管分守通泰原任叅將喬基亦報相同緣由到臣據此案查六月十一日先據海防道呈照得本道節差衛鎮撫呂圻等至呂四場水軍千戶陳嘉謨陳厚各領兵船在江南靖江縣追襲倭寇續據呂圻呈報於五月二十九日在呂四便場與江時各又斬獲首級一顆又據圍隨驍勇顏隆報於六月初一日在靖江縣馬沙地方斬

獲首級一顆薛祥斬獲首級一顆張丙同千戶陳厚部下水兵雷楫共斬首級一顆千戶陳嘉謨下耆民馬栢等共斬首級二顆餘中場竈勇周貫等斬獲首級一顆倭弓一張箭五枝海門縣典史余廷舜下兵王秀等斬獲首級一顆成忻等斬獲首級一顆陸梧等奪獲倭刀一把弓一張各報到道具呈到臣案候題間今據前因為照即今新舊倭船奔突江北淮北上上下下二千餘里沿江沿海邊腹地方出沒縱橫官兵力能防禦不能登岸自山東日照縣登岸倭賊直穿腹裏也住清河馬頭巡司隨被官兵勦滅已於

鄭端簡奏卷十一

二六

萬卷堂

六月十二日會本題 知外今倭船二十六隻賊至一千四百餘人自江南地方直指狼山兵備張景賢叅將喬基等親冒矢石水陸備兵夾攻力戰以致大敗群賊狼狽開洋遁去實皆仰仗 天威也計今斬獲首級三十一顆生擒三名奪獲倭刀伍把倭弓伍張箭一十四枝牛壹隻鹽四頭船三隻卧單長衫倭帽各一件衣服一百餘包米一百餘石並無損傷地方亦無焚燒劫殺之慘及照嘉靖三十四年倭寇屢犯江北兵備張景賢等設謀督戰先後通計斬獲首級二百九十三顆生擒并被虜兵三十八名似應先

行量加褒賞其餘有功有罪人員仍照兵部原行通
候巡按御史查勘除將生擒斬獲功次俱發揚州府
通判史朝賓紀驗審問候巡按御史覈實具 奏外
嘉靖三十四年六月二十一日進奉 聖旨

附錄

兵部爲仰仗 天威勦逐倭寇事職方清吏司案呈
奉本部送兵科抄出巡按直隸監察御史莫如士題
云爲照前項倭寇屢犯江北數遭挫衄乃者恃其庸
蠢復肆窺伺幸而仰仗我 皇上 德孚 天地化
洽海隅臣庶効忠士民奮勇總督漕運兼巡撫鳳陽

鄭僉奏議卷之二

高卷堂

等處地方兵部右侍郎兼都察院右僉都御史鄭
乃能仰體我 皇上委任之重區區盡周悉調度精詳
虛已受人雖寸長而必錄誠心率物屈群策以圖全
集徐穎宿毫之兵以壯其威練通泰海門之兵以資
其用廟灣等處防範惟嚴麻洋港口守禦克慎發銀
以置器械給賞以勵人心兵備參政蕪湖使張景賢
忠勇性成謀慮精密兵機練習安不忘危陣勢通融
志在滅寇聞賊而毅然就道畧無避難之心料敵而
洞然甚明遂收擒逐之効雖未能盡勦無遺然賊聞
而膽寒敗而遠竄且沿海州縣場壩赤子近頗二變

鄭僉奏議卷之二

高卷堂

告成不致被其蹂踐三春煎辦不致妨其鹽課此固
江北莫大之慶也再照江南北相爲犄角江南蘇
松等處近調有狼兵土兵刻期勒定誠恐南擎北奔
勢所不免如蒙伏乞 勅下該部行總督軍門并撫
操海防叅將等臣多方防禦設法勦捕或屯衆以截
其要衝或設伏以邀其潰散或整棚水軍以隨其向
往或齊集陸兵以迎其將來勿徒以江北土竈等兵
爲足恃萬一有警而不多方應援江之南北併力協
心務使此寇盡皆授首靡有孑遺庶兩淮漕運可保
無虞三十塩場可恃無失矣地方幸甚臣愚甚幸等
因奉 聖旨兵部知道欽此欽遵抄出送司案照先
該巡撫鳳陽都御史鄭 題前事該本部議行查勘
限備去後今該前因查呈到部看得前項倭寇流劫
江北雖稱退遁但江南方整兵進勦奔逸肆潰勢所
必至江北地方委應戒備擬合就行爲此除外合咨
前去煩爲督行沿江沿海副叅守把等官率領所部
官軍在於各該要害處所嚴加把截如或奔突流劫
即便會合各該官軍併力截殺務使進無所掠退遭
挫衄共保無虞須至咨者

進繳 勅諭疏